



partii naleraq

UPA2016/133

Namminersorlutik Oqartussat tamakkiisumik piginnittuullutik aktiaateqarluni ingerlatseqatigiiffiini ataasiakkaani siulersuisunut ilaasortassanik toqqaasarnermi nunatsinni najugaqavissut amerlanerussuteqartut ilaasortaasalernissaannik Naalakkersuisut aalajangersagaliortut inatsisissamik UPA2017-imi saqqummiussassamik siunnersuusoqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Suka K. Frederiksen)

Una siunnersuut ukiorpaalungulersuni maani inatsisartuni qaqinneqarluni eqqartorneqartarnikooqaaq, soorlu aamma inuiaqatigiit akornanni tamanna aamma ilaatigut sakkortuumik eqqartorneqartartoq, taamaattumik Partii Naleqqamiit iluarisimaarlugu imatut oqaaseqarfigissavarput.

Tunngaviusumik isumaqarpugut soorlu aamma siunnersuutip siuliani eqqaajumaaripput, pigineqatigiiffinni inatsiseqarnerup nuunneqarnissaa qangalili piffissaanngornikuusoq, taamaattumillu kinguarsaqqinnagu suliaq aallartikkasuartariaqartoq, tassami ukiorpanngulersuni akisussaaffik tamanna Savalimmiuni misilittagaqarfigilluarlugu akisussaaffik angerlartinnikuuat, immakkut angallannerup aqutsisoqarfia ilanngullugu.

Soorlu aamma pingaaruteqarluinnartutut isigingipput nunatsinni qaammaasat, ilisimasat misilittakkallu maannamiit annertunerungaartumik katersorneqalernissaat piviusunngortittariaqaripput. Ilaatigullu uani siunnersuummi tamanna anguteqartussaammat qularata tapersiinerput oqaatigisinnaavarput. Naalakkersuinikkut ukiuni kingullerni aqutissiuunneqartarnikuuvoq soorlu Hans Enoksenip Naalakkersuisut Siulittaasuunerata nalaani alloriarneq annertoq tiguneqarnikuusoq. Kingornali aamma killormut ileqqulersorneq eqquteqqinneqartarnikuulluni. Soorunami Naalakkersuisut politikkiat apeqqutaasarpoq, taamaattorli aamma apeqquterujussuuvoq kikkut qanorlu innersuussaqaqarnersut, taamaattumik inuttalersuineq aamma nalilersugassaqqittutut uagut nalilerusupparput.

Maani inuusugut ukiuni ikittunnguani ilinniagaqarnerulernerput qaffannikuuvoq aammalu suli qaffakkiartortussaalluni, maanilu inuusugut nunatsinni pissutsit "inunnguuseralugu" ilisimalereertaratsigit qaammaasaq tamanna qitiulluinnartoq inuttalersuinermi tunngaviunissaa pisariaqarluinnarpoq, soorlu aamma tupinnanngittumik inuiaqatigiinnut, maani saarngisussaanerput pillugu akisussaassuseqarnerusumik siunniussisarluta.

Taamatut oqaaseqarluta, qulaani siunnersuutaasut minnerpaafissaliuullugit piunasaqataasalernissaat tunngavigalugu aappassaaneeraneqannginnerani ataatsimiititaliamut innersuupparput.

Naggataagut oqaatiginngittoorsinnaanngilarput uunga siunnersuummut Naalakkersuisut tapersiisimannginnerat uagut tungitsinniit tupigilluinnaratsigu.